



Disblókia Más Diverson na Bu Dizafiu di Pasaporti di Parki!



Óras ki bu rikóli sélus na kada un di kes 12 parkis partisipantis, bu ta poi bu aventura na prósimu nivel. Entra di forma más profundu na natureza, na stória y un munti otus atividadis fásil y divirtidu. Si bu é un mininu kuriozu, un familia ki gosta di atividadis na ar livri ó bó é un splorador, ten kuzas pa nhos tudu apruveita.

Inprimi y leba es dukumentu djuntu ku bó na tudu parki y odja kantu atividadis ki bu podi konpleta. Tudu atividadi é opisional; pa bu konpleta Dizafiu di Pasaporti di Parki, só bu ten ki rikóli tudu 12 sélus.

Fazi un Kaminhada!

Mára bu sapatu, poi bu muxila na kósta, y fazi bu trilas! Skodji trilia di parkis ki ta kunbina ku bu rítimu. Durante kaminhada, sprimental fazi kes pikenus dizafius divirtidu li.

- Pára y xinta en silénsiu pa un minutu – ki son ki bu obi?
- Pripara un pikénu lanxi ó almusu y djobi un lugar perfeitu pertu di trilia y fazi un pikiniki.
- Konpára káska y fólia di dós arvóri diferenti. Na kuzé ki es é igual? Na kuzé ki es é diferenti?
- Na fin di bu kaminhada, sirkula un emoji ki ta diskrevi modi ki bu sta xinti:



Observa Natureza!

1. Kása Tizóru na Natureza! Bu ta konsigi atxa tudu kes tizórus li enkuantu bu ta splóra parki?

- | | |
|---|---|
| ☐ Un fólía ku ponta pikadu | ☐ Un pédra na forma di kurason |
| ☐ Un páсарu paúadu na arvóri | ☐ Un pó ku forma di letra “Y” |
| ☐ Un pédra lizu | ☐ Musgu ta kria na troku di arvóri ó róta. |
| ☐ Un insétu | ☐ Algun kuza lizu |
| ☐ Un pinha ó bulota | |
| ☐ Un ninhu di páсарu | |

2. Shhhh, obi ku atenson...ki baruliu ki bu sta konsigi obi? Baruliu di páсарus? Águ ta kóri? Kualker otu kuza?

3. Un munti animal inkrível ta konsidera es lugar li ses kaza. Bu konsigi odja algun animal ta ronda pa li? Ki animal ki bu odja ó obi?

Kanpánha pa Klima!

1. É inportanti nu ka déxa Ninhun Rástu óra ki nu vizita nos parki natural ki é sensível. Bu konsigi atxa algun kaxóti di lixu na parki? Kantu ki bu odja? Poi un padás di lixu na kaxóti di lixu!

2. Rispira fundu. Ar frésku ki bu sta rispira ta ben di plantas ki sta na bu volta. Tra un mumentu pa bu agradési arvóris ki sta na bu volta y dá-s un grandi abrasu!

3. Fika na sol pa 3o sigundu, dipós bu volta pa sonbra. Kal ki é diferença? Pamodi ki arvóris é ton inportanti pa manti lugaris frésku?

Kása Istória!

1. Vizita markas istóriu inportanti dentu di parki y prendi sobri ses signifikadu. Kuzé ki ta fazi es lugaris ser spisial?

2. Atxa un sinalizason istóriu y lé si kontiudu. Ki fatus interesante ki bu prendi sobri istória di parki?

3. Prendi sobri figuras istóriu ligadu a parki, sima naturalistas famozu, antigus dónu, ó ativistas. Kal ki é ses nomi? Kuzé ki bu prendi sobri es?

Safari di Fotus!

(Oposional) Tra fotu di bu kaminhada y partilia na Instagram. Ka bu skesi di marka-nu atraves di @MassDCR pa nu podi konékita ku otus sploradoris.

1. Atxa un lugar na parki ki dexe-u sen fólgu y tra un fotu pa guarda kel grandi mumentu pa senpri! Podi ser un lágu serénu, un arvóri grandi, ó un jóia sukundidu, tra fotu di algu ki más agrada-u.
2. Aprésia tudu pikenus kuzas! Fika pertu ki kes kuzas más prisiozu ki natureza ten pa oferesi. Djobi insétus ki sta ronda, siméntis dilikadu, kogumélus koloridu, ó kualker otu kuza ki txoma-u atenson. Tra fotu di pertu di kes pikenus maravilhas li ki alvés ta pása dispersebidu.
3. Djunta ku bu kolegas sploradoris y nhos fazi un pózi! Djobi un kuza interesante na parki, podi ser un formason di rótxa úniku, un vista spektakular, ú un strutura istóriu, y tra un selfie ku bus amigus ó familias pa guarda mimória di nhos viajen djuntu!